

REGLUGERÐ FRAMKVÆMDASTJÓRNARINNAR (ESB) nr. 1123/2013

2014/EES/23/56

frá 8. nóvember 2013

um að ákvarða alþjóðleg réttindi til inneignar samkvæmt tilskipun Evrópuþingsins og ráðsins 2003/87/EB (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2003/87/EB frá 13. október 2003 um að koma á fót kerfi fyrir viðskipti með heimildir til losunar gróðurhúsalofttegunda innan Bandalagsins og um breytingu á tilskipun ráðsins 96/61/EB ⁽¹⁾, einkum 8. mgr. 11. gr. a,

og að teknu tilliti til eftirfarandi:

- 1) Með bókuninni við rammisamning Sameinuðu þjóðanna um loftslagsbreytingar (Kýótóbókuninni) var komið á fót tveimur kerfum til að stofna til alþjóðlegra inneigna sem aðilarnir mega nota til að jafna saman losun. Sameiginleg framkvæmd (JI) gerir kleift að stofna til losunarskerðingareininga (ERU) en kerfi hreinleikaþróunar (CDM) gerir kleift að stofna til eininga vottaðrar losunarskerðingar (CER).
- 2) Í landsúthlutunaráætlunum þeim sem aðildarríkin samþykktu skv. 9. gr. tilskipunar 2003/87/EB er kveðið á um notkun rekstraraðila á tilteknum fjölda eininga vottaðrar losunarskerðingar og losunarskerðingareininga til að uppfylla skuldbindingar sínar um að skila inn losunarheimildum eins og um getur í 12. gr. tilskipunar 2003/87/EB að því er varðar tímabilið frá 2008 til 2012.
- 3) Í 11. gr. a í tilskipun 2003/87/EB er kveðið á um áframhaldandi notkun eininga vottaðrar losunarskerðingar og losunarskerðingareininga, sem eru gefnar út samkvæmt Kýótóbókuninni, innan losunarviðskiptakerfisins sem komið var á fót með tilskipun 2003/87/EB, á tímabilinu frá 2013 til 2020, og þar eru ákvæði sem tengjast þeim fjölda sem er leyfður eftir flokki rekstraraðila og umráðenda loftfara til að þeir geti uppfyllt skuldbindingar sínar um að skila inn losunarheimildum skv. 12. gr. tilskipunar 2003/87/EB. Í 8. mgr. 11. gr. a eru sett fram tiltekin lágmarksréttindi, gefin upp sem hundradshluti, fyrir rekstraraðila og umráðendur loftfara til að nota alþjóðlega inneign á tímabilinu frá 2008 til 2020 og þar er gert ráð fyrir ráðstöfunum til að ákvarða nákvæm hundradshlutamörk.
- 4) Í tilskipun 2003/87/EB var kveðið á um að tengja skyldi verkefnismiðuð kerfi Kýótóbókunarinnar við kerfi viðskipta með losunarheimildir til að auka kostnaðarhagkvæmni þess að draga úr losun gróðurhúsa-

lofttegunda í heiminum. Í ljósi þess fjölda losunarheimilda sem eru í gildi fyrir tímabilið frá 2013 til 2020 og eru gefnar út samkvæmt annarri undirgrein 2. mgr. 13. gr. tilskipunar 2003/87/EB skal festa réttindi til notkunar á alþjóðlegum inneignum við þau lágmarksmörk sem tilgreind eru í fyrstu og þriðju undirgrein 8. mgr. 11. gr. a. Af þessum sökum verða heildarmörkin fyrir notkun á alþjóðlegum inneignum, sem kveðið er á um í fimmtu undirgrein 8. mgr. 11. gr. a í tilskipun 2003/87/EB, virt og ákvæði annarrar undirgreinar og annarrar setningar fjórðu undirgreinar 8. mgr. 11. gr. a í tilskipun 2003/87/EB munu ekki gilda að því er þetta varðar. Ef einhver afgangur verður af réttindum frá umráðendum loftfara frá árinu 2012 er þeim viðhaldið í samræmi við 2., 3. og 4. mgr. 11. gr. a í tilskipun 2003/87/EB.

- 5) Rekstraraðilar staðbundinna stöðva með verulega aukna afkastagetu skv. 20. gr. ákvörðunar framkvæmdastjórnarinnar 2011/278/ESB frá 27. apríl 2011 um umbreytingarreglur á vettvangi Sambandsins um samræmda úthlutun losunarheimilda án endurgjalds skv. 10. gr. a í tilskipun Evrópuþingsins og ráðsins 2003/87/EB ⁽²⁾ skulu eiga rétt á að vera meðhöndlaðir annað hvort sem núverandi rekstraraðilar eða sem nýir aðilar.
- 6) Í 58. til 61. gr. reglugerðar framkvæmdastjórnarinnar (ESB) nr. 389/2013 frá 2. maí 2013 um stofnun skrár Sambandsins samkvæmt tilskipun Evrópuþingsins og ráðsins 2003/87/EB og ákvörðunum Evrópuþingsins og ráðsins nr. 280/2004/EB og nr. 406/2009/EB og um niðurfellingu reglugerða framkvæmdastjórnarinnar (ESB) nr. 920/2010 og nr. 1193/2011 ⁽³⁾ er að finna nánari upplýsingar um framkvæmd í reynd á þeim mörkum varðandi réttindi sem hér er kveðið á um.
- 7) Ráðstafanirnar, sem kveðið er á um í þessari reglugerð, eru í samræmi við álit nefndarinnar um loftslagsbreytingar.

SAMÞYKKT REGLUGERÐ ÞESSA:

I. gr.

1. Hver rekstraraðili staðbundinnar stöðvar, sem fékk úthlutun án endurgjalds eða réttindi til að nota alþjóðlegar inneignir á tímabilinu frá 2008 til 2012, skal eiga rétt á að nota alþjóðlegar inneignir á tímabilinu frá 2008 til 2020, allt að þeim fjölda sem leyfður var á tímabilinu frá 2008 til 2012 eða allt að þeim fjölda sem samsvarar að hámarki 11% af því sem henni var úthlutað á tímabilinu frá 2008 til 2012, eftir því hvor talan er hærri.

2. Hver rekstraraðili staðbundinnar stöðvar sem hvorki fékk úthlutun án endurgjalds né réttindi til að nota alþjóðlegar

(*) Þessi EB-gerð birtist í Stjtið. ESB L 299, 9.11.2013, bls. 32. Hennar var getið í ákvörðun sameiginlegu EES-nefndarinnar nr. 60/2014 frá 10. apríl 2014 um breytingu á XX. viðauka (Umhverfismál) við EES-samninginn, biður birtingar.

(1) Stjtið. ESB L 275, 25.10.2003, bls. 32.

(2) Stjtið. ESB L 130, 17.5.2011, bls. 1–45.

(3) Stjtið. ESB L 122, 3.5.2013, bls. 1.

inneignir á tímabilinu frá 2008 til 2012 og, þrátt fyrir frá 1. mgr., hver rekstraraðili staðbundinnar stöðvar í skilningi fyrstu tveggja undirliða h-liðar 3. gr. tilskipunar 2003/87/EB skal eiga rétt á að nota alþjóðlegar inneignir á tímabilinu frá 2008 til 2020, að hámarki 4,5% af sannprófaðri losun hennar á tímabilinu frá 2013 til 2020.

3. Hver rekstraraðili staðbundinnar stöðvar með verulega aukna afkastagetu skv. 20. gr. ákvörðunar 2011/278/ESB skal eiga rétt á að nota alþjóðlegar inneignir á tímabilinu frá 2008 til 2020, allt að þeim fjölda sem henni var veittur á tímabilinu frá 2008 til 2012 eða þeim fjölda sem samsvarar að hámarki 11% af því sem henni var úthlutað á tímabilinu frá 2008 til 2012, eða að hámarki 4,5% af sannprófaðri losun hennar á tímabilinu frá 2013 til 2020, eftir því hvor talan er hærri.

4. Hver rekstraraðili staðbundinnar stöðvar sem fékk úthlutun án endurgjalds fyrir tímabilið frá 2008 til 2012 og stundaði starfsemi sem ekki er skráð í I. viðauka við tilskipun 2003/87/EB, eins og henni var breytt með reglugerð Evrópuþingsins og ráðsins (EB) nr. 219/2009 ⁽⁴⁾, en sem er skráð í I. viðauka við tilskipun 2003/87/EB, eins og henni var breytt með tilskipun Evrópuþingsins og ráðsins 2009/29/EB ⁽⁵⁾, skal eiga rétt á að nota alþjóðlegar inneignir á tímabilinu frá 2008 til 2020, allt að þeim fjölda sem henni var veittur á tímabilinu frá 2008 til 2012 eða þeim fjölda sem samsvarar að hámarki 11% af því sem henni var úthlutað á tímabilinu frá 2008 til 2012, eða að hámarki 4,5% af sannprófaðri losun hennar á tímabilinu frá 2013 til 2020, eftir því hvor talan er hærri.

5. Hver umráðandi loftfars skal eiga rétt á að nota alþjóðlegar inneignir, allt að þeim fjölda sem samsvarar að hámarki 1,5% af sannprófaðri losun hans á tímabilinu frá 2013 til 2020, með fyrirvara um eftirstöðvar réttinda frá 2012.

2. gr.

1. Aðildarríkin skulu reikna út og birta alþjóðleg réttindi til inneignar fyrir hvern rekstraraðila sinn, í samræmi við 1. mgr. 1. gr., og tilkynna framkvæmdastjórninni um það í samræmi við 59. gr. reglugerðar (ESB) nr. 389/2013, einum mánuði eftir gildistökudag þessarar reglugerðar.

2. Alþjóðleg réttindi til inneignar eru reiknuð fyrir hvern og einn rekstraraðila, sem um getur í 2. mgr. 1. gr., og umráðanda loftfars, sem um getur í 5. mgr. 1. gr., á grundvelli sannprófaðrar losunar og uppfærð árlega. Að því er varðar rekstraraðilana, sem um getur í 3. og 4. mgr. 1. gr., verða uppfærð alþjóðleg réttindi til inneignar reiknuð á grundvelli þeirra réttinda sem reiknuð eru hærri skv. 1. mgr. 1. gr. eða 4,5% af sannprófaðri losun á tímabilinu frá 2013 til 2020. Þegar búið er að samþykkja sannprófaða losun skulu aðildarríkin tilkynna framkvæmdastjórninni um breytingarnar á alþjóðlegu réttindunum til inneignar í samræmi við 59. gr. reglugerðar (ESB) nr. 389/2013.

3. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 8. nóvember 2013.

Fyrir hönd framkvæmdastjórnarinnar,

forseti.

José Manuel BARROSO

⁽⁴⁾ Stjtið. ESB L 87, 31.3.2009, bls. 109.

⁽⁵⁾ Stjtið. ESB L 140, 5.6.2009, bls. 63.